

номъ сердца, аки на твердо́мъ адамантѣ, премногая его царская ко мнѣ благотворения написанная читая, не возмогъ бымъ никогда же веселию мѣста во сердцѣ моемъ дати, аще не бы ми печалнаго ума лучесы милости и щедротъ своихъ возбуждалъ ко веселию от его же царскихъ чреслъ равнѣ добротворный намъ свѣтъ возсиявший и солнце и на его же царстемъ престолѣ богомпосажденный сынъ его, а наш великий государь благочестивѣйшій тишайшій самодержавнѣйшій великий государь царь и великий князь Феодоръ Алексеевичъ всеа Великия и Малыя и Бѣлыя России самодержецъ. Его бо царскимъ благоутробнымъ милосердиемъ и множествомъ щедротъ и оцеподражателною царскою призра́н есмь милостию и въ равномъ бывшему хранимъ доволствѣ, ни в чесомъ скудости стражду. И въпред упование въ госпде бозѣ имамъ, яко благая о мнѣ, грѣшном, на его царстемъ сердци положить. Онъ же богомъ вѣнчанный монарха не отвратитъ пресвѣтлаго лица своего от худости моея, но по врожденной милости своей благоволитъ весельма на мя призирати зѣницами и нуждныхъ жителству моему от обилия богомъ себѣ даннаго подаяние доволное творити. И се ми есть возмездие превеликое, нудящее мя ко благодарствию непрестанному и къ молбамъ повседневымъ, от скипетродержца благочестивѣйшаго. От васъ же, благочестивыхъ читателей, богатое ми будетъ за труды воздаяние, егда ползу от цвѣтъ верта сего приемше, речете о мнѣ ко госпду молитву о еже оставитися грѣхомъ моимъ. Аще живу ми сушу, аще по преставлении моемъ, то ми едино от вашей любви желателно. Въмъ бо, яко внушаетъ госпдь молитвы вѣрныхъ рабъ своихъ и по прошению ихъ милость проявляетъ. И мне убо за ваши святыя молитвы проститъ долги моя и сотворитъ возмездие вѣчное во царствии си небесномъ, его же азъ единаго рачитель есмь и искатель, а вашему благочестию всяческихъ благъ душевныхъ и тѣлесныхъ, вѣчныхъ и временныхъ присно истинный желатель.

Благочестию твоему временныхъ и вѣчныхъ
благъ истинный желатель
Симеонъ Полоцкий
иеромонахъ недостойный.

II

Предисловие ко благочестивому читателю¹

Дѣлатель всякий плоды своя любить,
хранитъ, яко да всуе не погубитъ;
Да бы ся тѣми напредъ ползовати,
нуждѣ пришедшей ихъ употреблять.

¹ Предисловие Симеона Полоцкого к „Рифмологону“; печатается по рукописи Московского Государственного исторического музея, Синод. собр., № 287, лл. 5—6 об.